

Pinerluttulerinermik inatsit tunngavigalugu aalajangiineq naapertorlugu Kalaallit Nunaanni inuit tarnikkut nappaatilinnut immikkoortortami unitsinneqarsimasut pillugit nalunaarut

Kalaallit Nunaanni pinerluttulerinermik inatsimmi § 263 a naapertorlugu, tak. inatsit nr. 306, 30 april 2008-meersoq, inatsit nr. 735, 25. juni 2014-imeersukkut allanngortinneqartumi makku aalajangersarneqarput:

§ 1. Inatsit una atuuppoq inunnut eqqartuussivimmi aalajangiineq naapertorlugu Kalaallit Nunaanni tarnikkut nappaatilinnut immikkoortortami unitsinneqarsimasunut, Kalaallit Nunaanni pinerluttulerineq pillugu inatsimmi § 157 imaluunniit Kalaallit Nunaanni eqqartuussisarneq pillugu inatsimmi § 361 imaluunniit § 436, imm. 3 naapertorlugit aalajangiiffigineqartunut.

§ 2. Kiffaanngissusiiagaaneq pillugu Inatsisartut inatsisaanni aalajangersakkat aamma tarnikkut nappaatilinnik katsorsaasarnermi allatut pinngitsaaliisarneq pillugu aalajangersakkat kiisalu inatsit naapertorlugu peqqussusiani aalajangersakkat taamaaqataanik malinneqassapput inunnut § 1-imi taaneqartunut. Tamannali atuutsissanngilaq inatsimmi §§ 5-11, § 17, § 18, § 31, imm. 2 aamma 3-mi aamma pinngitsaaliissummik unitsitaanissamik, pinngitsaaliissummik tigummigallagaanissamik, uninnganerup kingorna utertitaanissamik aamma pinngitsaaliissummik malittarineqarnissamik aalajangiinerit eqqarsaatigalugit naammagittaalliuuteqarsinnaaneq eqqartuussivinnilu misilinneqarsinnaaneq pillugit kapitali 11-mi aalajangersakkani.

Imm. 2. Katsorsartittunik siunnersuisarneq pillugu inatsimmi kapitali 9-mi aalajangersakkat taamaallaat atuutsissapput, pineqartoq Kalaallit Nunaanni pinerluttulerinermik inatsimmi § 163 malillugu pineqartoq eqqartuussinermi tamatumalu kingorna ikiorteqartinneqanngippat.

§ 3. Nalunaarut una atuutilersinneqarpoq ulloq 1. juli 2014.

Justitsministereqarfik, ulloq 26. juni 2014

KAREN HÆKKERUP

/ Lise Bitsch